

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINA BOSANSKA KRUPA
OPĆINSKO VIJEĆE**



**BOSNIA AND HERCEGOVINA
FEDERATION OF B&H
THE UNA – SANA CANTON
THE MUNICIPALITY of Bos. Krupa
MUNICIPAL COUNCIL**

Tel/Fax: 037 47 10 85; 47 10 96; www.opcinabosanskakrupa.ba; e-mail: op.krupa@bih.net.ba

ODLUKA

O IZVRŠENJU BUDŽETA OPĆINE BOSANSKA KRUPA ZA 2012. GODINU

Bosanska Krupa, decembar 2011.

Na osnovu člana 5. stav 2. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 19/06, 76/08, 5/09, 32/09, 51/09, 9/10, 36/10 i 45/10), člana 21. Stav 1. tačka b) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona», broj: 8/11) i člana 28. stav 1. tačka 3. Statuta općine Bosanska Krupa ("Službeni glasnik općine Bosanska Krupa", broj:3/08), Općinsko vijeće općine Bosanska Krupa, na prijedlog Općinskog načelnika, na svojoj XLVI redovnoj sjednici održanoj dana 29.12. 2011. godine ,
d o n o s i :

O D L U K U

o izvršenju Budžeta Općine Bosanska Krupa za 2012. godinu

I – Opće odredbe

Član 1.

Ovom Odlukom uređuje se struktura Budžeta Općine Bosanska Krupa za 2012. godinu (u daljnjem tekstu: Budžet u odgovarajućem padežu), način njegovog izvršavanja, upravljanje prihodima i izdacima Budžeta, prioriteti plaćanja, finansijsko izvještavanje, revizija i kontrola Budžeta, ovlaštenja Općinskog načelnika, te prava i obaveze korisnika budžetskih sredstava u izvršavanju Budžeta i druga pitanja vezana za izvršavanje Budžeta.

Član 2.

Budžet Općine Bosanska Krupa je akt kojim se utvrđuje plan finansijskih aktivnosti Općine, a obuhvata projekciju godišnjih prihoda i primitaka, te utvrđenih iznosa rashoda i izdataka Općine, koji donosi Općinsko vijeće.
Budžet se donosi za fiskalnu 2012. godinu, odnosno za period od 01. januara do 31. decembra 2012. godine.

Član 3.

Budžet se sastoji od općeg i posebnog dijela.

Član 4.

Opći dio Budžeta sastoji se od Računa prihoda i primitaka, te rashoda i izdataka.
U računu Prihoda i primitaka iskazuju se porezni i neporezni prihodi i drugi prihodi i primici Općine.
Prihodi i primici priznaju se u periodu kada su mjerljivi i raspoloživi, to jest kada su uplaćeni na račun budžeta
U računu rashoda i izdataka utvrđuju se rashodi i izdaci po kategorijama rashoda i izdataka..
Rashodi i izdaci priznaju se u periodu kada je obaveza nastala.

Član 5.

Posebni dio Budžeta sastoji se od plana rashoda i izdataka po budžetskim korisnicima i tekućih i kapitalnih programa za 2012.godinu.

Član 6.

Općinski načelnik, na prijedlog budžetskog korisnika, može donijeti odluku o prestrukturiranju rashoda u okviru ukupnog iznosa odobrenog za budžetskog korisnika, najviše do 10 % ukupno odobrenih rashoda za budžetskog korisnika.

U okviru odobrenog budžeta, preraspodjela sredstava iznimno je dozvoljena između budžetskih korisnika, o čemu odlučuje Općinski načelnik na prijedlog Službe za finansije, budžet i računovodstvo.

Član 7.

Općinski načelnik dužan je uskladiti dinamiku realizacije obaveza utvrđenih Budžetom sa dinamikom priliva i odliva sredstava.

Izuzetno, usljed dinamičnijeg priliva sredstava, odnosno, ostvarenja većeg prihoda od planiranog, Općinski načelnik može Općinskom vijeću predložiti raspodjelu istih.

Prijedlog raspodjele se utvrđuje posebnom Odlukom Općinskog vijeća i ista postaje sastavni dio Budžeta.

Ovlašćuje se Općinski načelnik da može izvršiti raspored eventualnih neplaniranih primitaka i donacija u Budžetu za 2012. godinu, te da se takva sredstva naknadno prikažu prilikom eventualnog rebalansa budžeta ili u Izvješčaju o izvršenju budžeta kao sastavni dio Budžeta za 2012. godinu.

Član 8.

U cilju osiguranja transparentnosti, Budžet prikazuje ukupno i po budžetskim korisnicima analitički sve javne prihode, rashode i izdatke po računima računskog plana.

Budžetski korisnici su općinski organ uprave, stručne službe Općine Bosanska Krupa i Općinsko pravobranilaštvo.

Budžetski korisnici su i javne ustanove: Javna ustanova Gradska biblioteka Bosanska Krupa, Javna ustanova Centar za socijalni rad Bosanska Krupa, Javna ustanova Centar za kulturu, obrazovanje i informisanje i Javna ustanova Gradska galerija Bosanska Krupa.

II – Izvršavanje Budžeta

Član 9.

Sredstva Budžeta osiguravaju se budžetskim korisnicima (u daljem tekstu: korisnici u odgovarajućem padežu) koji su određeni kao nosioci sredstava na pojedinim pozicijama.

Korisnici Budžeta mogu koristiti sredstva u skladu sa svojim finansijskim planovima samo do visine utvrđene za namjene u posebnom dijelu Budžeta, u visini ostvarenih prihoda, a po dinamici utvrđenoj tromjesečnim i mjesečnim planovima.

Član 10.

Budžet Općine se izvršava na osnovu planirane dinamike realizacije programa i finansijskih planova budžetskih korisnika u skladu sa likvidnim budžetskim sredstvima.

U slučaju poremećene likvidnosti Budžeta, Općinski načelnik poduzima mjere za uravnoteženje budžeta i predlaže Općinskom vijeću izmjene i dopune budžeta u skladu sa članom 22. i 23. Zakona o budžetima u Federaciji Bosne i Hercegovine.

Član 11.

Postupak nabavke roba, usluga i ustupanje radova korisnici su dužni vršiti u skladu sa Zakonom o javnim nabavkama Bosne i Hercegovine („Službeni glasnik Bosne i Hercegovine“ broj 49/04, 19/05, 52/05, 92/05, 08/06, 24/06, 70/06, 12/09 i 60/10).

Član 12.

Budžet se izvršava na osnovu tromjesečnih i mjesečnih planova za izvršavanje Budžeta, u skladu sa raspoloživim sredstvima.

Član 13.

Iznimno, zbog neusklađenog priliva sredstava u Budžet prema tromjesečnim i mjesečnim planovima izdataka, Općinski načelnik (u daljem tekstu: Načelnik u odgovarajućem padežu) može izmijeniti dinamiku doznake sredstava pojedinim korisnicima.

Načelnik, polugodišnje informiše Općinsko vijeće o izvršenju prihoda, rashoda i izdataka budžeta na osnovu koje će Općinsko vijeće na prijedlog Načelnika davati saglasnost na izmjene dinamike doznake sredstava.

Donacije koje nisu planirane u Budžetu, a ostvare se u toku godine, prikazaće se kao prihod budžeta i namjenski se usmjeravati, te će se izvršiti povećanje budžeta na rashodovnoj strani odnosno budžetskog korisnika.

Namjenski doznačeni grantovi planirani u budžetu kao prihod budžeta namjenski će se trošiti na osnovu odluke ili zaključka općinskog načelnika, ili sporazuma, ili ugovora, odnosno druge važeće dokumentacije koja prati planirani grant i isti će se prikazati kao rashod budžeta sa određenom namjenom.

Član 14.

Načelnik prenosi neutrošena sredstva po pojedinim stavkama rashoda i izdataka iz mjesečnog plana izvršenja Budžeta na iste stavke u plan izvršenja Budžeta za sljedeće razdoblje u okviru budžetske godine.

Član 15.

Budžetski korisnici sredstva budžeta koriste u skladu sa svojim godišnjim finansijskim planovima, a po dinamici utvrđenoj mjesečnim operativnim planom.

Korisnici su obavezni Službi za finansije, budžet i računovodstvo dostaviti prijedlog operativnog plana po stavkama utvrđenim godišnjim finansijskim planom.

Član 16.

O korištenju sredstava Tekuće rezerve Budžeta odlučuje Načelnik općine, u skladu sa zakonskim propisima i ovom Odlukom.

Obavezuje se Načelnik da polugodišnje izvještava Općinsko vijeće o raspolaganju sredstvima iz stava jedan ovog člana.

Budžetsko izdvajanje za tekuću rezervu ne smije preći 3% ukupnih prihoda, isključujući primitke

Član 17.

Ako se u toku godine, na osnovu propisa povećava djelokrug ili nadležnost korisnika što zahtjeva povećanje sredstava ili se osnuje novi korisnik, sredstva za njegove troškove osiguravaju se iz Tekuće rezerve.

Ako se tokom godine, na osnovu propisa, smanji djelokrug ili nadležnost korisnika, što zahtjeva smanjenje sredstava, ili se korisnik ukine, neutrošena sredstva za njegove troškove se prenose u Tekuću rezervu budžeta ili na korisnika koji preuzima njegove poslove.

Član 18.

Svi prikupljeni i naplaćeni prihodi po općinskim odlukama, koji pripadaju Budžetu obavezno se uplaćuju na depozitni račun općinskog budžeta.

Član 19.

Pogrešno ili više uplaćeni prihod na račun Budžeta u tekućoj godini vraćaju se uplatiocima na teret tih prihoda.

Povrat više ili pogrešno uplaćenih prihoda koji nisu uplaćeni u tekućoj godini vrše se sa pozicije rashoda "Povrat više uplaćenog prihoda"

Povrat više ili pogrešno uplaćenih javnih prihoda vrši se u skladu sa odredbama Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije Bosne i Hercegovine“, broj: 3/11, 6/11, 9/11, 18/11 39/11 I 64/11), a na osnovu dokumentacije sa kojom se raspolaze o više ili pogrešno uplaćenom javnom prihodu i Rješenja kojeg donosi Načelnik.

Član 20.

Sredstva, pozicija "Bruto plaće i naknade" doznačavaju se korisnicima Budžeta na osnovu Zakona kojima se reguliše odnosna oblast, akata koje donosi Općinsko vijeće i akata koje donosi Načelnik općine.

Član 21.

Visina dnevnica za službena putovanja za sve korisnike koji se finansiraju iz sredstava Budžeta određuju se na osnovu Uredbe o naknadama za putne troškove ("Službene novine Federacije Bosne i Hercegovine", broj 63/10, 9/11 i 80/11).

Član 22.

Sredstva planirana pod stavkom Izdaci za naknade skupštinskim zastupnicima doznačiće se Općinskom vijeću na osnovu akta koji donosi Općinsko vijeće.

Član 23.

Sredstva utvrđena pozicijom "Subvencije" doznačuju se korisnicima mjesečno u visini jedne dvanaestine od godišnjeg iznosa, odnosno u skladu sa ovom Odlukom.

Član 24.

Sredstva utvrđena Budžetom, pozicija "Grantovi parlamentarnim grupama", planirana za finansiranje parlamentarnih grupa, rasporedit će se za rad parlamentarnih grupa u Općinskom vijeću, na način kako je to regulisano Poslovníkom Općinskog vijeća.

Član 25.

Sredstva, pozicija Budžeta "Izdaci osiguranja, bankarskih usluga i negativnih kursnih razlika"- Izdaci za kamate i ostale naknade izvršavaće se po dospelosti za plaćanje.

Član 26.

Sredstva, pozicija "Naknada troškova zaposlenih" doznačavaće se korisnicima Budžeta na osnovu Zakona kojima se reguliše odnosna oblast i akata koje donosi Općinsko vijeće.

Član 27.

Prikupljanje javnih prihoda Budžeta vrši se preko računa javnih prihoda (depozitni račun).
Obavljanje platnih transakcija vrši se preko transakcijskih računa.
Potpisnik naloga platnih transakcija putem računa iz prethodnog stava je Načelnik i Pomoćnik načelnika za finansije, budžet i računovodstvo.

Član 28.

Sredstva budžetskih korisnika planirana po pojedinim stavkama se mogu preusmjeravati sa jedne pozicije rashoda i izdataka na drugu u okviru istog budžetskog korisnika, a da se nemijenja ukupan iznos planiranih izdataka tog korisnika.

Član 29.

Budžet se izvršava u skladu sa njegovim likvidnim mogućnostima po slijedećim prioritetima:

1. otpлата duga i kamata,
2. plaćanje obaveza po sudskim presudama,
3. plaće i naknade zaposlenih,
4. materijalni i drugi troškovi neophodni za rad općinskih službi,
5. naknade za rad u Općinskom vijeću i radnim tijelima Općinskog vijeća,
6. tekući transferi (grantovi),
7. kapitalni transferi (grantovi) i izdaci i
8. ostalo.

Član 30.

Sredstva planirana pod stvatom Grantovi mjesnim zajednicama rasporedit će se po mjesnim zajednicama na osnovu kriterija koje će predložiti, Služba za opću upravu i društvene djelatnosti.

Član 31.

Sredstva planirana pod stvatom Transfer za kulturu – Grant za kulturu rasporedit će se zaključkom Načelnika, a na osnovu prijedloga Službe za opću upravu i društvene djelatnosti.

Član 32.

Sredstva planirana pod stvatom Transfer za kulturu – Književni susreti „Stazama djetinstva“ a doznačit će se JU „Gradska biblioteka“ Bosanska Krupa, a služit će u svrhu sufinansiranja.

Korisnik sredstava po završenoj manifestaciji je dužan dostaviti izvještaj o utrošku sredstava.

Član 33.

Sredstva planirana pod stvatom Transfer za kulturu – Likovna kolonija „Krušnica“ doznačit će se Javnoj ustanovi „Gradska galerija“ Bosanska Krupa, a služit će u svrhu sufinansiranja.

Korisnik sredstava po završenoj manifestaciji je dužan dostaviti izvještaj o utrošku sredstava.

Član 34.

Sredstva planirana pod stvatom Transfer za kulturu – Smotra folkloru Bosanska Krupa doznačiće se KUD „Grmeč“ Bosanska Krupa, a služit će u svrhu sufinansiranja.

Korisnik sredstava po završenoj manifestaciji je dužan dostaviti izvještaj o utrošku sredstava.

Član 35.

Sredstva planirana pod stvatom Transfer za kulturu – Smotra folkloru Bosanska Otoka doznačiće se KUD „Mladost“ Bosanska Otoka, a služit će u svrhu sufinansiranja.

Korisnik sredstava po završenoj manifestaciji je dužan dostaviti izvještaj o utrošku sredstava.

Član 36.

Sredstva planirana pod stvatom Transfer za kulturu – Smotra horova doznačiće se KUD „Grmeč“ Bosanska Krupa, a služit će u svrhu sufinansiranja.

Korisnik sredstava po završenoj manifestaciji je dužan dostaviti izvještaj o utrošku sredstava.

Član 37.

Sredstva planirana pod stvatom Transfer za kulturu – Sufinansiranje manifestacija Osnovnih škola rasporedit će se zaključkom Načelnika, a služit će u svrhu sufinansiranja školskih manifestacija.

Član 38.

Sredstva planirana na ime Izdataka za organizacije proistekle iz odbrambeno-oslobodilačkog rata će se doznačavati nosiocima sredstava u dvanaestinama.

Nosioci se obavjezuju u roku od 60 dana od dana doznake sredstava dostaviti izvještaj o utrošku sredstava.

Član 39.

Sredstva planirana pod stavkom Izdaci za raseljena lica koristiće se za obezbjeđenje nužnog i alternativnog smještaja, a u skladu sa Zakonom o raseljenim osobama i povratnicima u Federaciju Bosne i Hercegovine („Službene novine Federacije Bosne i Hercegovine“, broj: 15/05), a raspoređivat će se korisnicima nužnog i alternativnog smještaja po doznakama sredstava iz trezora Unsko-sanskog kantona.

Član 40.

Sredstva planirana pod svakom Isplata stipendija rasporedit će se u skladu sa Pravilnikom o dodjeli stipendija.

Član 41.

Sredstva planirana pod svakom Ostali transferi pojedincima – Obilježavanje Dana Općine koristi će se za plaćanje računa organizacije i obilježavanja Dana Općine Bosanska Krupa u visini stvarnih troškova.

Član 42.

Sredstva planirana pod svakom Ostali transferi pojedincima – Podsticaj za poljoprivredu koristiće se za podršku poljoprivrednoj proizvodnji.

Način realizacije ovih sredstava utvrdit će se posebnim Pravilnikom koji donosi Općinsko vijeće, a na prijedlog Općinski načelnika i Službe za razvoj, poduzetništvo i obrt.

Član 43.

Sredstva planirana pod svakom Ostali transferi pojedincima – Grant za izbornu komisiju koristiće se za finansiranje Općinske izborne komisije a u skladu sa aktima koje donosi Općinsko vijeće

Član 44.

Sredstva planirana pod svakom Ostali transferi pojedincima – Grant za socijalno ugrožene penzionere će se izvršavati na prijedlog JU „Centar za socijalni rad“ Bosanska Krupa, a na osnovu evidencije o socijalno ugroženim penzionerima koju vodi ova Ustanova.

Član 45.

Sredstva planirana pod svakom Ostali transferi pojedincima – Izdaci po Zakonu o dopunskim pravima boraca će se izvršavati na osnovu Zakona o dopunskim pravima boraca, odluke Općinskog vijeća te Rješenja o oslobađanju obaveze plaćanja naknade.

Član 46.

Sredstva planirana pod svakom Ostali transferi pojedincima – Jednokratne pomoći će se izvršavati preko JU „Centar za socijalni rad“ Bosanska Krupa.

Član 47.

Sredstva planirana pod svakom Ostali transferi pojedincima – LAG „Una-Sana“ će se izvršavati kao učešće Osnivača u sufinansiranju rada LAG-a.

Član 48.

Sredstva planirana pod svakom Ostali transferi pojedincima – Nabavka udžbenika za socijalno ugrožene učenike će se izvršavati na prijedlog i preko JU „Centar za socijalni rad“ Bosanska Krupa.

Član 49.

Sredstva planirana pod svakom Ostali transferi pojedincima – Održavanje Centralnog spomen obilježja i Spomen sobe, će služiti za izmirenje računa za utrošenu električnu energiju i komunalnih usluga, a izvršavat će se na slijedeći način:

- po dostavljenim mjesečnim računima na ime troškova električne energije za Spomen sobu preko Organizacije porodica šehida i poginulih boraca općine Bosanska Krupa,
- po dostavljenim mjesečnim računima komunalnih usluga za Spomen sobu i Centralno spomen obilježje, preko Organizacije porodica šehida i poginulih boraca općine Bosanska Krupa,
- po ispostavljenim mjesečnim računima Općini na ime troškova električne energije za Centralno spomen obilježje.

Član 50.

Sredstva planirana pod svakom Ostali transferi pojedincima – Prevetivne mjere zaštite i spašavanja koristiće se u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06, 43/10) i Odlukom o uslovima i načinu korištenja sredstava ostvarenih po

osnovu posebnog poreza od zaštite od prirodnih i drugih nesreća („Službene novine Federacije Bosne i Hercegovine“, broj: 46/05 i 61/07) u slučaju elementarne nepogode i nesreća.

Član 51.

Sredstva planirana pod stvkom Ostali transferi pojedincima – projekat: Bosanska Krupa-grad malih sajmova rasporedit će se zaključkom Načelnika, a služit će u svrhu sufinansiranja.

Član 52.

Sredstva planirana pod stvkom Ostali transferi pojedincima – Subvencija JP i JU za prijem volontera rasporedit će se na osnovu Sporazuma zaključenog između Načelnika i javnog preduzeća, odnosno ustanove.

Član 53.

Sredstva planirana pod stavkom Ostali transferi pojedincima - Subvencija za prevoz učenika srednjih škola će se izvršavati doznakom sredstava prevozniku koji prevozi na relacijama - konkretnoj relaciji u procentu od 30 % od iznosa mjesečne karte, s tim da se za djecu sa jednim roditeljem visina subvencije određuje u procentu 50%, a za djecu bez oba roditelja u iznosu od 100%.

Doznaka će se izvršavati na osnovu računa i izvještaja prevoznika o izdatim mjesečnim kartama učenicima putnicima i pregleda ovjerenog od strane Mješovite srednje škole i Opće gimnazije u Bosanskoj Krupi o učenicima koji pohađaju navedenu školu, a putuju.

Član 54.

Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve utvrđenih u Budžetu.

O korištenju sredstava tekuće rezerve, na osnovu pojedinačnih zahtjeva odlučuje Općinski načelnik donošenjem Zaključka o angažovanju sredstava budžetske rezerve.

Ukoliko se u toku fiskalne godine prenesu određene nadležnosti budžetskog korisnika ili sam budžetski korisnik prestane postojati, Općinski načelnik je dužan uspostaviti komisiju za popis imovine, obaveza i potraživanja. Nakon usvajanja izvještaja komisije Služba za finansije, budžet i računovodstvo vrši prijenos preostalih sredstava u tekuću rezervu, dok se prijenos ostalih sredstava vrši na osnovu odluke Općinskog načelnika.

Služba za finansije, budžet i računovodstvo obavezna je tromjesečno izvještavati Općinskog načelnika o korištenju sredstava tekuće rezerve.

Općinski načelnik polugodišnje izvještava Općinsko vijeće o korištenju sredstava tekuće rezerve.

Općinski načelnik je dužan po godišnjem obračunu u okviru izvještaja o izvršavanju Budžeta informisati Općinsko vijeće o utrošku sredstava iz ovog člana.

Član 55.

Sredstva planirana pod stavkom Grantovi neprofitnim organizacijama – Grant humanitarna udruženja doznačit će se Crvenom križu shodno Zakonu o crvenom križu Federacije Bosne i Hercegovine („Službene novine Federacije Bosne i Hercegovine“, broj:28/06).

Član 56.

Sredstva planirana pod stavkom Grantovi neprofitnim organizacijama - Grant za obilježavanje značajnih datuma doznačavat će se JU “Centar za kulturu, obrazovanje i informisanje” Bosanska Krupa u skladu sa Finansijskim planom i Planom obilježavanja značajnih datuma u 2012.godine.

Finansijski plan i Plan obilježavanja značajnih datuma u 2012.godine donosi Komisija za obilježavanje značajnih datuma, a Općinski načelnik na iste daje saglasnost.

Član 57.

Sredstva planirana pod stavkom Grantovi neprofitnim organizacijama - Grant za razvoj sporta doznačit će se Sportskom savezu općine u skladu sa Zakonom o sportu („Službeni glasnik USK-a“, broj:15/10).

Član 58.

Sredstva planirana pod stavkom Grantovi neprofitnim organizacijama – Grant za vjeru rasporedit će se po zaključku Načelnika.

Član 59.

Sredstva planirana pod stavkom Grantovi neprofitnim organizacijama – grant za mlade i NVO rasporedit će se po zaključku Načelnika a na osnovu prijedloga Službe za opću upravu i društvene djelatnosti

Član 60.

Sredstva planirana pod stavkom Grantovi neprofitnim organizacijama – Septembarski dani slobode koristi će se za troškove organizacije manifestacija i aktivnosti u okviru obilježavanja septembarskih dana slobode.

Član 61.

Sredstva planirana pod stavkom Grantovi neprofitnim organizacijama-Projekat regulatorne reforme-Giljotina propisa koriste se za realizaciju Projekta poboljšanja poslovnog okruženja i konkurentnosti a na osnovu Sporazuma o saradnji zaključenog između općine Bosanska Krupa i IFC-Medunarodne finansijske korporacije, članice grupacije Svjetske banke

Član 62

Sredstva planirana za rad u stalnim i privremenim komisijama, koje imenuju Općinsko vijeće, odnosno Općinski načelnik, isplaćuju se u skladu sa aktom Općinskog vijeća odnosno aktom Općinskog načelnika .

Član 63.

Sredstva planirana na ime određenih kapitalnih grantova će se doznačavati na osnovu potpisanih ugovora i izdatih situacija.

Sredstva planirana pod stavkom kapitalni transferi neprofitnim organizacijama – školski objekat Osnovna škola Pištaline, doznačit će se investitoru na osnovu zahtjeva, projektne dokumentacije, ugovora o izvođenju radova, odnosno sredstva obezbjeđena za ovu namjenu, na osnovu općinskih aplikacija, implementirat će Općina.

Sredstva planirana pod stavkom kapitalni transferi neprofitnim organizacijama – utopljanje ZU Dom zdravlja Bosanska Krupa doznačiće se Lokalnoj akcionoj grupi Una-Sana - aplikantu javnih poziva za sufinansiranje ovog projekta i implementatoru istog. Po implementaciji doznačenih sredstava, Lokalna akciona grupa Una - Sana je dužna dostaviti izvještaj o utrošku sredstva.

Član 64.

Sredstva planirana pod stavkom Kapitalni grantovi neprofitnim organizacijama - podrška projektima prekogranične saradnje rasporedit će se na odobrene projekte prekogranične saradnje u iznosima koji zahtijeva učešće lokalne samouprave u tim projektima.

Član 65.

Sredstva planirana pod stavkom Kapitalni grantovi neprofitnim organizacijama - podrška projektima po Javnim pozivima rasporedit će se na projekte koji su odobreni po javnim pozivima u iznosu koji zahtijeva učešće lokalne samouprave.

Član 66.

Sredstva utvrđena u razdjelima Budžeta «Izdaci za nabavku stalnih sredstava» izvršavat će se po programu koji donosi Načelnik, a na osnovu Plana nabavke stalnih sredstava izrađen od strane budžetskog korisnika koji mora biti u skladu sa planiranim sredstvima za te namjene.

Član 67.

Sredstva planirana pod stavkom Tekuće investiciono održavanje lokalnih puteva raspoređivati će se zaključkom Načelnika, a na osnovu prijedloga Službe za komunalno-stambene poslove i infrastrukturu.

Član 68.

Sredstva planirana pod stavkom Izdaci za usluge održavanja čistoće javna higijena doznačavat će se JKP „10. Juli“ Bosanska Krupa na osnovu Ugovora o izvođenju radova na održavanju javnih površina u skladu sa Programom održavanja javnih saobraćajnica i javnih zelenih površina i u skladu sa članom 76. i članom 92. Odluke o komunalnom redu.

Ukoliko neke od poslova ovo preduzeće nije u mogućnosti izvesti, angažirat će se drugo pravno lice.

Član 69.

Sredstva planirana pod stavkom Troškovi spora - Sudske presude izvršavati će se u skladu sa članom 138. stav 4., 5. i 6. Zakona o izvršnom postupku («Službene novine Federacije Bosne i Hercegovine», broj:32/03, 52/03, 33/06 i 39/06).

Član 70.

Korisnici moraju pri dogovaranju o uvjetima za ispunjavanje obaveza koje se podmiruju iz Budžeta uzimati u obzir dinamiku priliva i odliva sredstava.

III – Finansijsko izvještavanje i revizija Budžeta

Član 71.

Služba za finansije, budžet i računovodstvo dužna je podnositi Općinskom načelniku izvještaje o izvršenju Budžeta svakih 15 dana.

Tromjesečne i polugodišnje izvještaje Služba za finansije, budžet i računovodstvo dužna je podnositi Općinskom načelniku u roku od 30 dana od završetka svakog izvještajnog razdoblja.

Služba za finansije, budžet i računovodstvo obavezna je dostaviti Općinskom načelniku Izvještaj o izvršenju Budžeta za prethodnu godinu, a Općinski načelnik je obavezan podnijeti isti Općinskom vijeću na usvajanje u roku od šest mjeseci od završetka fiskalne godine.

Član 72.

Nadzor nad upotrebom i trošenjem budžetskih sredstava od strane korisnika obavlja Služba za finansije, budžet i računovodstvo.

Općinski načelnik obavezan je organizirati sistem interne revizije u skladu sa odredbama člana 64. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 19/06,76/08, 5/09, 32/09, 51/09, 9/10, 36/10 i 45/10).

Interni nadzor nad finansijskim, materijalnim i računovodstvenim poslovanjem korisnika, te nad zakonitom i namjenskom upotrebom budžetskim sredstava obavljaće se u skladu sa Smjernicama za uspostavljanje interne kontrole kod budžetskih korisnika ("Službene novine Federacije Bosne i Hercegovine", broj: 19/05).

Član 73.

Ako se tokom godine na osnovu zakona i drugih propisa proširi nadležnost ili djelokrug rada Općinskog načelnika ili se osnuje nova Služba, sredstva za njihov rad obezbijedit će se iz sredstava planiranih za postojećih Službi.

U slučaju nedovoljnog iznosa sredstava iz stava 1. ovog člana za obavljanje poslova, sredstva će se obezbijediti iz tekuće rezerve Budžeta ili putem izmjena Budžeta.

Ukoliko se na osnovu zakona ili drugog propisa smanji djelokrug rada ili nadležnost Općinskog načelnika, što utiče na smanjenje sredstava ili se ukine Općinska služba, neutrošena sredstva prenose se u tekuću rezervu Budžeta ili se vrši izmjena Budžeta.

Član 74.

Ako u toku godine dođe do značajnog odstupanja u prihodima i rashodima Budžeta, Općinsko vijeće na prijedlog Općinskog načelnika donosi odluku o izmjenama i dopunama Budžeta (rebalans Budžeta).

IV – Kaznene odredbe

Član 75.

Odgovorno lice budžetskog korisnika, nosilac izvršne vlasti, kao i drugo lice odgovorno za Budžet općine kaznit će se za prekršaj ove Odluke saglasno odredbama člana 78. Zakona o budžetima u Federacije Bosne i Hercegovine ("Službene novine Federacije Bosne i Hercegovine", broj:19/06, 76/08, 5/09, 32/09, 51/09, 9/10, 36/10 i 45/10).

V - Prelazne i završne odredbe

Član 76.

Na sva pitanja koja nisu regulisana ovom Odlukom, a tiču se načina izrade, donošenja, izvršavanja Budžeta, zaduživanja, duga, računovodstva i nadzora budžeta, primjenjivat će se odredbe Zakona o budžetima u Federacije Bosne i Hercegovine ("Službene novine Federacije Bosne i Hercegovine", broj:19/06, 76/08, 5/09, 32/09, 51/09, 9/10, 36/10, i 45/10), Zakona o dugu, zaduživanju i jemstvima u Federacije Bosne i Hercegovine ("Službene novine Federacije Bosne i Hercegovine", broj:86/07 i 24/09) koje se odnose na općine.

Član 77.

Za obavljanje platnog prometa po uplatnim računima Budžeta i računima Budžeta, Općinski načelnik može izvršiti novi izbor poslovne banke u skladu sa Zakonom o javnim nabavkama Bosne i Hercegovine.

Budžet Općine Bosanska Krupa za 2012. godinu, Odluka o izvršavanju Budžeta Općine Bosanska Krupa za 2012. godinu, kao i svaka izmjena i dopuna ovih dokumenata objavljuje se u "Službenom glasniku Općine Bosanska Krupa".

Svako korištenje sredstava tekuće rezerve objavljuje se u "Službenom glasniku Općine Bosanska Krupa".

Godišnji izvještaji o izvršenju Budžeta objavljuju se u "Službenom glasniku Općine Bosanska Krupa".

Odluke o dugu, garancijama i zajmovima objavljuju se u "Službenom glasniku Općine Bosanska Krupa".

Član 78.

Ova Odluka stupa na snagu danom objavljivanja u "Službenom glasniku Općine Bosanska Krupa", a primjenjivat će se za fiskalnu 2012. godinu.

Broj: .01/V-02-6238-2b/11.

Dana: 29.12.2011. godine

**PREDSJEDAVAJUĆI
OPĆINSKOG VIJEĆA**

Srđić Dragoljub dipl. ecc. s.r.